

ვანის მუნიციპალიტეტის საკრებულოს

კულტურის, განათლების და ახალგაზრდულ საქმეთა კომისიის სხდომის

ოქმი N 1

ქ. ვანი N 65

7 დეკემბერი 2017 წელი

კომისიის სხდომას თავმჯდომარეობდა კულტურის, განათლების და ახალგაზრდულ საქმეთა კომისიის თავმჯდომარე კობა ტოხვაძე

სხდომას ესწრებოდნენ: კობა ტოხვაძე, შალვა ლორთქიფანიძე, თენგიზ დვალიშვილი, ტარიელ ბარამიძე, ივანე კორძაძე, ალექსანდრე ოქროპილაშვილი, მერაბ ხურციძე, თამარ შენგელია.

საკრებულოს აპარატის საორგანიზაციო განყოფილების მთავარი სპეციალისტი საოქმო წარმოების საკითხებში - ლუბა კიკაბიძე.

დასწრების ფურცელი თან ერთვის /დანართი N1

სხდომა 12 სთ-ზე გახსნა კომისიის თავმჯდომარემ კობა ტოხვაძე, რომელმაც წარმოადგინა 2017 წლის 7 დეკემბრის სხდომის

დღის წესრიგი

1. ვანის მუნიციპალიტეტის კულტურის განათლების და ახალგაზრდულ საქმეთა კომისიის დებულების დამტკიცების შესახებ.

/მომხსენებელი: კობა ტოხვაძე/

კომისიის წევრებმა კენჭი უყარეს და დაამტკიცეს სხდომის დღის წესრიგი

მომხრე - 8

წინააღმდეგი - არცერთი

დანართი: N2

კომისიის თავმჯდომარემ კომისიის წევრებს გააცნო ვანის მუნიციპალიტეტის კულტურის განათლების და ახალგაზრდულ საქმეთა კომისიის დებულება და განმარტა, რომ ეს

დებულება, საქართველოს ორგანული კანონის „ადგილობრივი თვითმმართველობის კოდექსის“ და ვანის მუნიციპალიტეტის საკრებულოს რეგლამენტის შესაბამისად განსაზღვრავს ვანის მუნიციპალიტეტის საკრებულოს კულტურის, განათლების და ახალგაზრდულ საქმეთა კომისიის უფლებამოსილებას, სტრუქტურას და თანამდებობის პირთა უფლება-მოვალეობებს.

კომისია თავისი კომპეტენციის ფარგლებში:

ა) განიხილავს და საკრებულოს წარუდგენს წინადადებებს, რეკომენდაციებს და დასკვნებს განათლების, კულტურის და სპორტის მუნიციპალური პროგრამების პროექტების შესახებ;

ბ) განიხილავს და საკრებულოს წარუდგენს წინადადებებს, რეკომენდაციებს და დასკვნებს სკოლამდელი და სკოლისგარეშე საადმზრდელო დაწესებულებების არასამეწარმეო (არაკომერციულ) იურიდიული პირის ფორმით შექმნისა და მათი ფუნქციონირებასთან დაკავშირებული საკითხების შესახებ;

გ) განიხილავს და საკრებულოს წარუდგენს წინადადებებს, რეკომენდაციებს და დასკვნებს ადგილობრივი თვითმყოფადობის, შემოქმედებითი საქმიანობის და კულტურული მემკვიდრეობის დაცვა-განვითარების მუნიციპალური პროგრამების, ადგილობრივი მნიშვნელობის ბიბლიოთეკების, მუზეუმების, თეატრების, გამოფენების, სპორტულ-გამაჯანსაღებელი ობიექტების საქმიანობის ხელშეწყობი მუნიციპალური პროგრამების პროექტების შესახებ;

დ) განიხილავს და საკრებულოს წარუდგენს წინადადებებს, რეკომენდაციებს და დასკვნებს ახალგაზრდული პოლიტიკის განვითარების, საზოგადოებრივი განათლებისა და მასობრივი სპორტის ხელშეწყობის მუნიციპალური პროგრამების შესახებ;

ე) შეიმუშავებს და საკრებულოს წარუდგენს წინადადებებს, რეკომენდაციებს და დასკვნებს ახალგაზრდებისათვის სამართლებრივი, ეკონომიკური და სოციალური მხარდაჭერის კომპლექსური ღონისძიებებს განხორციელების მიზნით;

ვ) შეიმუშავებს და საკრებულოს წარუდგენს წინადადებებს, რეკომენდაციებს და დასკვნებს ახალგაზრდათა დასაქმების საკითხების გადაწყვეტის მიზნით;

ზ) ისმენს ინფორმაციას, ახსნა-განმარტებას შესაბამის სფეროებში მოქმედი მუნიციპალიტეტის მიერ დაფუძნებული არასამეწარმეო (არაკომერციული) იურიდიული პირების საქმიანობასთან დაკავშირებით და საჭიროების შემთხვევაში შესაბამის დასკვნას წარუდგენს საკრებულოს;

თ) იღებს რეკომენდაციებს და საჭიროების შემთხვევაში, განსახილველად წარუდგენს საკრებულოს ან გზავნის დანიშნულებისამებრ; წყვეტს თავისი საქმიანობის ორგანიზაციულ საკითხებს;

ი) ახორციელებს საკრებულოს რეგლამენტით და საკრებულოს დავალებით მისთვის მინიჭებულ სხვა უფლებამოსილებებს ადგილობრივი თვითმმართველობის ორგანოების თანამდებობის პირები კომისიის მოთხოვნით ვალდებულნი არიან კომისიის მიერ დადგენილ ვადაში წარუდგინონ მას შესაბამისი დოკუმენტები, დასკვნები და სხვა მასალები,

დაესწრონ კომისიის სხდომებს, პასუხი გასცენ სხდომაზე დასმულ შეკითხვებზე და წარმოადგინონ გაწეული საქმიანობის ანგარიში.

ასევე კომისიის თავმჯდომარემწევრებს გააცნო კომისიის სამუშაო ჯგუფის უფლებამოსილებები:

კომისიის წევრთა გადანაწილებას სამუშაო ჯგუფებში კომისიის წევრთა სურვილის გათვალისწინებით ახდენს კომისიის თავმჯდომარე. კომისიის წევრი შეიძლება იყოს კომისიის რამოდენიმე სამუშაო ჯგუფის წევრი.

სამუშაო ჯგუფის ფუნქციაა თავის უფლებამოსილების ფარგლებში განიხილონ და მოამზადონ კომისიის სხდომაზე განსახილველი საკითხები.

4. კომისიაში იქმნება შემდეგი სამუშაო ჯგუფები:

ა) კულტურისა და განათლების საკითხთა სამუშაო ჯგუფი;

ბ) სპორტისა და ახალგაზრდულ საქმეთა სამუშაო ჯგუფი;

კომისიამ მიიღო ერთობლივი გადაწყვეტილება სამუშაო ჯგუფის შემადგენლობის შესახებ:

კულტურისა და განათლების საკითხთა სამუშაო ჯგუფი;

- თამარ შენგელია
- ივანე კორძაძე
- მერაბ ხურციძე
- ალექსანდრე ოქროპილაშვილი

სპორტისა და ახალგაზრდულ საქმეთა სამუშაო ჯგუფი;

- ტარიელ ბარამიძე
- თენგიზ დვალიშვილი
- შალვა ლორთქიფანიძე
- ტარიელ ბარამიძე

კომისიის მხრიდან აღნიშნულ საკითხთან დაკავშირებით შენიშვნები არ დაფიქსირებულა.

დღის წესრიგით გათვალისწინებული საკითხი მზად არის საკრებულოს სხდომაზე გასატანად

მომხრე - 8
წინააღმდეგი - არცერთი
დანართი: N3

საკითხის ამოწურვის შემდეგ ვანის მუნიციპალიტეტის საკრებულოს კულტურის, განათლების და ახალგაზრდულ საქმეთა კომისიის თავმჯდომარემ სხდომა დახურულად გამოაცხადა.

კობა ტოხვაძე

ვანის მუნიციპალიტეტის საკრებულოს
კულტურის, განათლების და ახალგაზრდულ
საქმეთა კომისიის თავმჯდომარე